



Broj: 07/2-14-66/18
Vogošća, 21.02.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 21.02.2018. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE REDOVNOG ČIŠĆENJA
I ODRŽAVANJA HIGIJENE ZGRADE OPĆINE VOGOŠĆA**

Član 1.

Ponuda ponuđača "Greenline" d.o.o. Sarajevo, ulica Ahmeda Rizve broj 2. Vogošća, odabrana je za pružanje usluge redovnog čišćenja i održavanja higijene zgrade Općine Vogošća, kao jedina prihvatljiva ponuda po kriteriju najniže cijene, sa ukupnom cijenom nabavke u iznosu od 50.641,85 KM bez uračunatog PDV-a, odnosno 59.250,96 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 31.01.2018. godine donio Odluku o pokretanju Otvorenog postupka nabavke pružanja usluge redovnog čišćenja i održavanja higijene zgrade Općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 02.02.2018. godine pod brojem: 1353-1-2-10-3-18/18.

Sažetak Obavještenja o nabavci objavljen je u "Službenom glasniku BiH" broj: 10/18 od 09.02.2018. godine

Tendersku dokumentaciju sa Portala javnih nabavki BiH je preuzelo 16 (šesnaest) ponuđača. Krajnji rok za prijem ponuda je bio 19.02.2018. godine do 14:00 sati.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07/2-14-66/18 iz februara 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke konstatuje da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Konis" d.o.o. Sarajevo	51.056,88	/	/	59.736,55
2	"Samsic" d.o.o Sarajevo	51.078,00	/	/	59.761,26
3	O.R. "Temiz"-Agencija za čišćenje Sarajevo	64.796,16	/	/	64.796,16
4	"Greenline" d.o.o. Sarajevo	50.641,85	/	/	59.250,96

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Konis" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:

- Tačkom 7.2.1. TD, a u skladu sa članom 46. Zakona traženo je da se uz ponudu dostavi dokaz o registraciji u odgovarajućem profesionalnom ili drugom registru u zemlji u kojoj je ponuđač registrovan ili da se obezbijede posebne izjave ili potvrde nadležnog organa kojom se dokazuje pravo ponuđača da obavlja profesionalnu djelatnost, koja je u vezi sa predmetom nabavke. Dokazi koji su traženi moraju biti originali ili ovjerene kopije ne starije od tri mjeseca računajući od dana podnošenja ponude.

Ponuđač "Konis" d.o.o. Sarajevo je u svojoj ponudi (strana 9-16 ponude) dostavio Aktuelni izvod iz sudskog registra koji nije ovjeren od strane nadležnog organa na ispravan način. Ovjerena je samo zadnja strana Izvoda, a obzirom da se isti sastoji od 7 stranica bilo je potrebno ovjeriti svaku stranicu Izvoda pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Samsic" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:

- Tačkom 9.9.1. TD propisano je da će Ugovorni organ dostaviti na potpis izabranom ponuđaču prijedlog Okvirnog sporazuma, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Okvirnog sporazuma je uključen u Aneks 8. tenderske dokumentacije ("nacrt"). Ponuđač treba samo potpisati prijedlog Okvirnog sporazuma i popuniti dijelove koji su ostavljeni prazni.

Ponuđač "Samsic" d.o.o. Sarajevo u svojoj ponudi (strana 33 ponude) nije ispoštovao traženi zahtjev Ugovornog organa iz tačke 9.9.1. TD, tj. nije popunio dijelove koji su ostavljeni prazni u nacrtu Okvirnog sporazuma-Aneks 8 TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

III. Ponuda ponuđača O.R. "Temiz"-Agencija za čišćenje Sarajevo, ne ispunjava formalno-pravne uslove tražene Tenderskom dokumentacijom i to:

- Tačkom 7.3.1. TD, a u skladu sa članom 47. Zakona traženo je da se uz ponudu dostavi:
a) Izjava na obrascu ponuđača o ostvarenom prometu pružanja usluga, koji su u vezi sa predmetnom nabavkom u posljednje 3 (tri) finansijske godine ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine.

Ponuđač O.R. "Temiz"-Agencija za čišćenje Sarajevo je u svojoj ponudi (strana 13 ponude) dostavio Izjavu iz čijeg sadržaja nije moguće vidjeti koliki je promet Ponuđač ostvario u posljednje 3 finansijske godine, a iz razloga što iznos u Izjavi uopšte nije ni prikazan.

- Tačkom 7.4.2. pod b) TD, a u svrhu dokazivanja ispunjenja uslova iz tačke 7.4.1. pod b) traženo je da se dostave dokazi o radnom angažmanu za minimalno 5 (pet) radnika koji će raditi na pružanju usluga koje su predmet nabavke, a koji mogu biti izvod iz matične evidencije uposlenih (PIO/MIO), Lista osiguranih lica iz Poreske uprave-nadležne ispostave, potvrde-uvjerenja izdata od strane poslodavca, ugovori o djelu, ugovori o poslovno tehničkoj saradnji.

Ponuđač O.R. "Temiz"-Agencija za čišćenje Sarajevo u svojoj ponudi nije dostavio dokaze o radnom angažmanu tražene tačkom 7.4.2. pod b) TD. Ponuđač je u svojoj ponudi (strana 20 ponude) dostavio Izjavu da će, ukoliko bude odabran kao najpovoljniji ponuđač, obezbijediti i uposliti dovoljan broj radnika za pružanje predmetne usluge.

Komisija za javne nabavke cijeni da dostavljena Izjava nije u skladu sa traženim dokazima iz tačke 7.4.2. pod b) TD, te da ista nije prihvatljiva za Ugovorni organ.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Komisija za javne nabavke je utvrdila da ponuda ponuđača "Greenline" d.o.o. Sarajevo ispunjava formalno-pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Greenline" d.o.o. Sarajevo, te je izvršena računaska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Greenline" d.o.o. Sarajevo, za pružanje usluge redovnog čišćenja i održavanja higijene zgrade Općine Vogošća, kao jedine formalno-pravno prihvatljive ponude, sa ukupnom cijenom nabavke u iznosu od 50.641,85 KM bez uračunatog PDV-a, odnosno 59.250,96 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Konis" d.o.o. Sarajevo
2. "Samsic" d.o.o Sarajevo
3. O.R. "Temiz"-Agencija za čišćenje Sarajevo
4. "Greenline" d.o.o. Sarajevo
5. Nadležnoj Službi
6. U dosije
7. a/a

033/210-718

033/450-911

agencijazaciscenjetemiz@hotmail.com

033/424-095

OPĆINSKI NAČELNIK


EDIN SMAJIC